

馬氏文獻通考



文獻通考卷二百八十五

鄧 陽 馬 端 臨 貴 與 著

象緯考八

月食月變月輝 月暈

中興天文志或曰日月猶水火也火外光水含景故月之光生於日之所照其魄生於日之不照也故當日則光盈照之全也自是而闕以日光之映其有不全乃至於晦愈相近而不之照故也嘗觀諸水日之所照每借以爲光仰而映於屋梁若有一掩焉則向之光於屋梁者不復見也月之借於日猶是故夫月之光也以日之光有照焉則月之食也亦其日之光有掩焉耳人之於月獨見其光與食豈知有借於日哉太史遷曰月食常也日食不臧也是以春秋書日之食不書月食月食固無可書也然嘗試以前說推之於月之食以知日之行於地中其亦有食焉不然則日光之全月與相望其何食之有月食所關豈細哉夫日月者象君臣也答繇稱元首明股肱元首首叢脞股肱情股肱良情之分關於君德月有光日顧不然乎於是月食而書亦可也湯誥曰萬方有罪罪在朕躬古之畏天戒者不以移於股肱嗚呼書月食其亦足以戒乎 又曰孟康曰星入月而星見於月中是爲星食月月掩星而星滅不見是爲月食星隋天文志曰月食五星歲以饑饉或亂填星以殺太白以強國戰辰以女亂孝宣本始四年七月甲辰辰星在翼月犯之地節元年正月戊午月食熒惑熒惑在角亢成帝建始四年十一月食填星陽朔元年七月月犯心此其證也

漢高祖七年月暈圍參畢七重占曰畢昴間天街也街北胡也街南中國也昴爲匈奴參爲趙畢爲邊兵是歲高

皇帝自將兵擊匈奴至平城為冒頓單于所圍七日乃解

成帝建始元年八月戊午晨漏未盡三刻有兩月重見京房易傳曰婦貞厲月幾望君子征凶

反言君弱而婦彊為陰所乘則月並出晦而月見西方謂之朏朔而月見東方謂之仄歷

行疾也仄歷者不進之意君肅急則臣恐懼故日行疾而月行遲不敢迫近君也不舒不急以正失之者食朔日

劉歆以為舒者侯王展意願事臣下促急故月行疾也肅者王侯縮腦不任事

臣下弛縱故月行遲也

其效也考之漢家食晦朏者三十六終亡二日仄歷者歆說信矣此皆謂日月亂行者也

月者眾陰之長銷息見伏百里為品千里立表萬里連紀

諸侯之象也朔晦正終始昴為繩墨望成君德春夏南秋冬北間者月數以春夏與日同道

近臣列星皆失色厭厭如滅此為母后與政亂朝陰陽俱傷兩不相便外臣不知朝事竊信天文即如此近臣已

不足仗矣屋大柱小可為寒心唯陛下親求賢士無疆所惡以崇社稷尊強本朝

光武建武八年三月庚子夜月暈五重紫微青黃似虹有黑氣如雲月星不見丙夜乃解

辰月中星齒往來出入

桓帝永壽三年十二月壬戌月食非其時

延熹八年正月辛巳月蝕非其時

獻帝興平二年十二月月在太微端門中重暈二珥兩白氣廣八九寸貫月東西南北

魏文帝黃初四年十一月月暈北斗占曰有大喪赦天下七年五月帝崩明年卽位大赦天下

晉懷帝永嘉五年三月壬申丙夜月食既丁夜又食既占曰月食嘉大人憂又曰其國貴人死

海西公太和四年閏月乙亥月暈軫復有白暈貫月北暈斗柄三星占曰王者惡之六年桓溫廢帝

安帝隆安五年三月甲子月生齒占曰月生齒天子有賊臣羣下自相殘桓元篡位之徵也 義熙九年十二月

辛卯朔月猶見東方是謂之仄曆則侯王其肅是時劉裕輔政威刑自巳仄曆之應云 十一年十一月乙未月

入輿鬼見而暈占曰王憂財寶出一曰月暈有赦掩犯五緯

梁武帝太清二年五月兩月相承如鉤見於西方占曰其國亂必見於亡國

簡文帝大寶元年正月丙寅月晝光於東方占曰月晝光有陰謀國雄逃又云月晝明姦邪並作擅君之朝其後

侯景篡弑

西魏文帝大統十四年正月朔兩月並見

周武帝天和五年正月乙巳月在氏暈有白虹長丈所貫之而有兩珥連接規北斗第四星占曰兵大起大戰將

軍死於野是冬齊師寇邊明年詔齊公憲率師禦之自龍門渡河攻拔其新築五城兵大起大戰之應也 建德

五年十月己未庚申月連暈規昴畢五車及參占曰兵起爭地又曰王自將兵天下大赦 宣政元年正月丙子

月食昴占曰有白衣之會又曰匈奴侵邊其月突厥寇幽州殺掠吏人五月帝北伐六月帝疾甚還京次雲陽而

崩

丁丑 八年十月辛卯 九年四月己丑雲陰不見 天禧元年四月壬午十月庚辰 三年二月壬寅 四年八月癸巳

仁宗天聖二年五月壬寅月當食不見 四年五月戊午 慶曆二年六月丁亥食六分既而入濁不見復 五年四月庚子曉漏初食九月戊戌食六分欲復入雲不見 六年九月壬辰食三分 皇祐二年七月庚子 四年十一月丙辰食未復而盡占曰后妃臣下赦後二年貴妃張氏薨先是預詔日官以唐戊寅麟德大衍五紀正元觀象宣明崇真及皇朝應天乾元儀天崇天歷算此月太陰食分及辰刻分野 五年十月辛亥食 至和二年九月庚午食 三年八月甲子食既占曰后宮宜崇德以致福 嘉祐二年二月壬戌食三分復八月戊午 三年閏十二月辛巳食 四年六月戊寅食幾盡十二月乙亥食既占曰月陰類后妃大臣之位食則修刑及兵今食既宜卹刑以除咎若三日有雨雪則不占來年二月赦天下太子少傅王舉正卒 五年十二月己巳 七年十月己丑皆食 八年十月癸未食既卯初七刻食甚已而入濁不見

英宗治平元年四月庚辰食

神宗治平四年二月甲午月食丑之四刻虧見西方在翼十有五度至六刻食甚及八分暈至酉地入濁不見主飛蟲多死北夷有兵 熙寧元年七月乙酉月食丑之五刻在危十度虧見東北方食及二分半入濁不見食甚及復主齊分有喪大臣憂 二年閏十一月丁未月食亥之一刻虧見東方起東北至子之初刻食甚及八分弱在井度中至三刻復主五穀不登 三年五月乙巳月當食雲陰雨不見 四年五月己亥月食戌之一刻虧見東南方出濁未圓六分在東井度中至五刻復主大臣黜或宮中宜崇福十一月丙申月食卯之二刻虧見西方

起東南至六刻食甚及四分半弱在東井一度少至明入滯不見復占同上 六年三月戊午月食亥之一刻虧

見東南六刻食甚及七分弱子之四刻復九月乙卯月食丑之四刻虧見東北方至寅之一刻食甚及六分涉已退未圓三分入濁不見復 七年九月己酉月食丑之一刻虧見正東方至六刻食既在雲一度弱至明刻不見

復 九年正月壬申月食雲陰不見 十年正月丙寅月食子之三刻虧見東南方至七刻食甚及七分在張度

中至丑三刻復主后有憂周地貴人卒死及大戰拔城七月癸亥月食雲陰不見 元豐元年正月庚申月食有雲障之至丑五刻見西南方正東食及四分半寅初食既曉刻雲映不見復主羅貴周分貴人死六月戊午月食戌之一刻雲間見正東方食及七分半至二刻食既在虛度中至亥三刻半復主後宮憂大臣有咎齊分有喪

二年六月壬子月食雲陰不見 三年十月甲戌月食既因雲陰不見 四年四月辛未月食既自戌之二刻出

濁已食甚月體東退生光一分正西九分在尾度中至六刻復主后妃災十月辛巳食於昏出濁食及七分在畢度中至二刻復主有赦令邊臣有咎趙分有兵胡人有疫 五年十月癸亥月食自酉之二刻虧見東北方至七

刻食甚及三分在鼎七度太弱戌之三刻復主邊兵起或女主憂 六年八月丁亥月食驗之不食 七年二月

乙酉月食八月辛巳月食皆雲陰不見 八年八月丙子月食戌之三刻虧初至七刻蝕既子之一刻復

哲宗元祐元年十二月戊戌月蝕雲陰不見 三年六月庚寅月蝕亥之五刻虧初至子六刻食既丑四刻復在

斗度中吳分主吳兵起大臣有憂十二月丁亥月食雲陰不見 四年五月甲申月食初雲陰不見至丑初刻食

已九分在斗度中央分至六刻復主大臣憂有小兵 五年五月戊寅月食雲陰不辨虧蝕 六年四月癸卯月

食雲陰不辨虧蝕 七年三月戊戌月食亥初一刻虧初至七刻食既子七刻復食甚在氏度中主大臣有憂十

日內有風雨則解災 八年九月己丑月食雲陰不見 紹聖三年七月癸卯月食雲陰不見虧蝕 四年正月庚子月食雲陰不見初虧至酉七刻已食三分戌一刻食及四分後復有雲障之主貴臣後宮有憂周分民饑五年五月壬戌月當食而不食 元符二年五月丙辰月食子之三刻至丑二刻食既寅二刻復在箕度中主御者或掌樂人當黜又爲風十月甲寅月食亥之四刻虧初至子四刻食既丑四刻復在參度中主兵官當黜 三年十月戊申月食四分

徽宗崇寧二年二月甲子月食既主貴人當之八月辛酉月食既主西方兵起 三年二月己未月食三分主貴人當之八月丙辰月食四分主西方兵起 四年十二月戊寅月食七分七主王者宮室不安 五年六月乙亥月食九分主旱十二月壬申月食既主有女喪 大觀三年十月丙戌月食五分主有女喪 四年四月甲申月食既九月庚辰月食既 政和元年三月戊寅月食五分九月甲戌月食六分 三年六月丁酉月食十分七月甲午月食八分主其下君憂或兵起 四年正月辛卯月食主賤人當之 六年十一月乙巳月食七分 七年十一月己亥月食 八年五月丙申月食九分主旱 宣和二年三月丙辰月食三分主人主當之 六年正月癸亥月食六分主賤人當之十二月戊午月食既主有女喪

高宗建炎三年二月壬午望食於軫 紹興元年八月己卯望當食雲陰蔽之 二年二月十四日丙子月體如食太史言是謂月未當闕而闕七月十六日甲戌食之既在室 三年七月戊辰望食於危 四年十二月庚寅望食於井 五年十一月乙酉望食於井既 六年五月十四日辛巳食於南斗十一月己卯望 八年三月辛丑望九月丁酉望月皆食露雲不見 九年九月壬辰望食於胃既 十二年七月丙午望當食露雲不見 十

三年六月庚子望食於虛既十二月戊戌望當食露雲蔽之不見 十四年六月甲午望食於女 十五年五月己未望當食露雲不見 十六年四月甲寅望食於尾 二十一年二月丙辰望當食露雲蔽不見 二十五年五月壬戌望月食候之至酉以山色遮映不見虧分 二十七年九月丁丑望食史失宿次 三十年正月甲午望

孝宗隆興二年五月己亥望 乾道元年四月甲午望月當食露雲不見 四年二月望食於軫 五年二月辛丑望 六年十一月丁酉望 八年六月壬子望 淳熙元年四月壬申望皆當食露雲不見 二年四月丙寅望食於房既九月癸亥望 三年三月庚申望 五年二月己卯望皆當食露雲不見 六年正月甲戌望食於翼既 八年十一月丁亥望食於井 九年十一月辛巳望食於井 十年五月己卯望食於箕 十二年三月戊戌望食於亢九月乙未望 十三年三月壬辰望皆當食露雲不見八月丙寅食於奎既 十四年八月甲申望 十六年十二月辛丑望

光宗紹熙元年乙未望 二年六月壬辰望 三年四月乙巳望 五年九月癸卯望皆當食露雲不見 慶元二年八月壬戌望食於壁 三年七月己未望食於翼既 四年七月庚戌望食於危 六年五月庚午望 寧宗嘉泰二年五月己未望 三年三月癸未望 開禧元年三月壬申望閏八月己巳望皆當食陰雲不見 二年正月壬辰望食於張七月戊子望食於危 嘉定元年二月丙戌望當食既雨不見十二月庚辰望食於星 一年六月丁丑望食於女 三年十一月庚戌望食於角八月丁未食於奎 八年八月辛丑望食於壁 九年二月己亥望閏七月乙未望皆當食雲陰不見 十年十二月戊午望食於柳 十一年六月乙卯望食於牛

十二月壬子食於井 十二年五月庚戌望當食既露雲不見十一月丙午望食於井 十三年五月甲辰望食露雲不見 十四年十月丙寅望食於胃 十五年三月癸卯望食於氏露雲不見 十六年三月丁巳望當食露雲不見

月輝月暈

建隆元年詔開寶未凡珥一十九輝氣一十三暈二十九重暈一半暈一十四交暈二紐氣二

太平興國元年詔至道凡冠氣一珥六輝氣五赤氣一抱氣一暈八半暈二背氣一

咸平元年詔乾興未凡重輪三珥一百二十冠氣十一輝氣二承氣八抱氣三戴氣九赤黃氣十七五色氣十一

赤青氣二黃紅氣一暈三百九十四五色重暈二十背氣一

天禧四年四月乙酉西南方兩月重見占大臣爭權有誅又曰有大水其年秋宰相寇準以罪貶滑州河決京師

大雨壞廬舍

天聖元年詔嘉祐末月凡揚光一光芒氣一紅光輝氣一五色暈氣一暈二百五十七周暈三十三交暈四連環暈一珥七十三冠氣五戴氣一十三承氣五背氣一白虹貫月一黃虹貫月一

治平元年詔四年五色輝氣一五色暈氣一暈五十一珥一十五冠氣一戴氣四背氣二

治平四年詔元豐末凡月五色輝氣十一五色暈氣六暈四百六十三周暈二百四十七交暈二珥一百三十四

冠氣七戴氣五十承氣五背氣一十白虹貫月五貫珥一

元豐八年三月五日至元符三年正月十二日凡月五色暈氣九暈八十九周暈三百五十一重暈一交暈三珥

一百三冠氣十戴氣二十七背氣八白虹貫月二貫珥一

元符三年正月訖靖康二年四月凡月暈珥二五色暈五珥二暈冠一白虹貫月一五色暈一

建炎四年十月己卯月生五色暈占人主有後宮喜次年張婕妤吳才人進封 紹興二年二月丙子月未當闕

而闕體如蝕色赤黃占大臣黜又曰臣下不奉法侵奪主勢於是張浚專制於蜀始議召歸 四年六月壬午月

暈而珥占期六十日兵起十一月壬申月色無光 五年正月戊午月暈於東井占有胡兵一曰夷狄求和

嘉泰三年七月壬午白虹如半暈穿貫月中占曰白虹貫月大兵將起軍戰於野

凡日傍一珥軍喜二珥民壽三珥后喜四珥立侯王及子孫喜戴者推德抱者國降承者臣承君喜冠者封建暈珥爲忿爭半暈纏得地直爲自立交爲大戰背爲背叛戟爲兵鬪貫刺君惡若在月則應后妃五色雲爲慶雲太平之應見則國有慶 容齋洪氏隨筆曰歷家論日月食自漢初以來始定日食不在朔則在晦否則二日然甚少月食則有十四五十六之差蓋置望參錯也天體有二交道曰交初曰交中交初者星家以爲羅睺交中者計都也隱暗不可見於是爲入交法以求之然不過能求朔望耳若餘日入交則書所不載由漢及唐二十八家暨本朝十一歷皆然姑以慶元丁巳歲五次月食考之三月望爲入交中七月爲交初唯十月二十日二十一日連兩夜乃以二更盡月食之既纔兩刻復明十一月十八夜復如之按此三食皆是交中十月二十夜月在張五度而計都在翼二度次夜月在張十七度計都未動相距才四度耳十一月十八夜月在星五度計都在張十九度相距二十度十二月十七夜五更月在星二度入交陽未卯初四刻交甚食六分半八刻退交十八夜四更月在張六度入交中陰初至寅四刻交甚食九分卯五刻退交其驗如此予竊又有疑焉太陰一月一周天必兩值

交道今年遂至八食一一如星官歷翁之說仍不拘月望則玉川子之詩不勝作矣當更求其旨趣云頃見太史局官劉孝榮言月本無光受日爲明望夜正與日對故一輪光滿或月行有遲疾先後日光所不照處則爲食朔旦之日日月同宮如月在日上掩太陽而過則日光爲所遮故爲日食非此二日則無薄蝕之理其說亦通又夷堅志紹興三十二年正月予被命接伴北使次盱眙天文官荆大聲隨行見向西邊大星去月三寸許指示予曰此木星也或食月或爲月所食少刻便可決予質其義曰月體自若而星居月上此爲星食月月過之而星隱不見此爲月食星旣而仰視高空失星所在俄出於月東問其兆應如何唯唯不肯說至四月半予報聘挾荆行荆出一書大抵皆星氣占驗其一曰月星相食當有易主事時已竊聞將有堯禪舜之舉矣予按景祐乾象新書引晉書月蝕歲星野有逐相又引天文總論曰主殺戮將相王侯之象或其分有兵喪其說淺矣五月十六日五更初過臨淮境瞻月外有環暈五重附近者紫紅色白者次之青者又次之黃者又次之最外深紅各相去一丈分寸不差忒其圓如規馬上諦視起敬荆馳至旁附耳曰是爲月重輪前史所紀多不過兩三重而今五數但太陰極盛恐非太陽之利耳將曉乃沒未一月而高宗遜位乾道二年六月北極前星之左有小星大聲謂予向者不記有此星若本無而今有懼爲東宮禍三年又指軒轅星之側客星曰非中宮福已而皆然八月中蒙宣對便殿孝宗聖意悲哽邁輒奏大聲之說以爲上穹默定久矣乞少寬宸抱上固素諳星象慘然曰朕亦見之時大聲浮湛塵市遂遭逢今以春官大夫判太史局

鄧 陽 馬 端 臨 貴 與 著

象緯考九

字彙

春秋魯文公十四年秋七月有星孛入於北斗字彙也既見而移入北左傳周內史叔服曰不出七年宋齊晉之

君皆將死亂後三年宋試昭公五年齊試懿公七年晉試靈公公羊傳字者何彗星也狀如其言入於北斗何

不言入又北斗有中也中者何以書記異也學者邪亂之氣彗彗梁傳字之為言猶莠也其曰入北斗斗有環

域也據字於大辰及東方皆不言入此言入者明斗有規郭以其體中也

昭公十年冬有星孛於大辰大辰房也傳曰有星孛於大辰西及漢夏之八月辰星見在天漢西今星出晨西申

須曰彗所以除舊布新也申須魯大夫彗例天事恆象天道恆以象今除於火火出必布焉諸侯其有火災乎火今

必火入而伏也其居火也久矣應二其與不然乎言必然也與火出於夏為三月謂晉於商為四月於周為五

月夏數得天正天若火作其四國當之在宋衛陳鄭乎宋大辰之虛也大辰大火陳太皞之虛也太皞居陶水鄭

祝融之虛也祝融高辛氏皆火房也房舍星學及漢漢水祥也天漢衛顓頊之虛也故為帝邱顓頊居之其城內

有顓頊冢其星為大水衛室水也水火之牡也杜雄也杜其以丙子若壬午作乎水火所以合也丙午火壬子水

火少而火多故水不勝若火入而伏必以壬午尙未知今學星當復隨火星不過其見之月之火在周公羊傳其言

火薄水又作搏音博

如大辰何

北斗言入於大辰非常名在大辰也大辰者何大火也

大火為大辰伐為大辰

正故謂之北辰亦為大辰是北辰北極天之中也常居其所迷惑不知東西者須

大辰時也

伐謂參伐也大火與伐天所以示民時早晚天下所以取

齊侯使禳之晏子曰無益也祇取誣焉

也

天道不諂不貳其命

君無穢德又何禳焉若德之穢禳之何損

哀公十三年冬十一月有星孛於東方

且衆星皆漫而孛乃故不言所在之次

公羊孛者何彗星也其言於東方何

於旦也

且者日方出時宿不復見故言東方知爲旦

貞定王二年彗星見

先公曰史表稱彗星見於秦愚按春秋終魯哀公之十四年而麟獲於魯左傳終於魯哀

公之二十六年明年而彗見於秦天人之理何其昭昭也秦人亡二周滅六國包舉宇內并吞八荒廢井田開阡

陌掃除先王之典籍彗之爲禍烈矣表彗見以爲傳鑑補遺之首書

考王八年彗星見

赧王十年彗星見

十二年彗星見

十九年彗星見

秦始皇七年彗星先出東方見北方五月見西方十六日

九年彗見或竟天四月見西方又見北方從斗以南

八十日 十三年正月彗星見東方

三十三年明星出西方

徐廣曰皇甫

漢天文志秦始皇之時十五年間

彗星四見久者八十日長或竟天後秦遂以兵兼六國外攘夷狄死人如麻

漢高帝三年七月有星孛於大角旬餘乃入劉向以爲是時項羽爲楚王伯諸侯而漢已定三秦項羽相距滎陽

天下歸心於漢楚將滅故彗除王位也一曰羽阮秦卒燒宮室弑義帝亂王位故彗加之也

文帝後七年有星孛於西方其本直尾箕末指虛危長丈餘及天漢十六日不見劉向以爲尾宋地今楚彭城也箕爲燕又爲吳越齊宿在漢中賁海之國水澤地也是時景帝新立信用鼂錯將誅正諸侯其象先見後三年七國反皆誅滅云

孝景二年彗星出西南其三年吳楚七國反 中三年三月丁酉彗星見西北其色白長丈在觜觸且去益小卜五日不見占曰必有破國亂君伏死其辜觜觸梁也其年梁王得罪

孝武建元三年二月有星孛於注張歷太微干紫宮至於天漢春秋星孛於北斗齊魯晉之君皆將死亂今星孛歷五宿其後濟東膠西江都王皆坐法削黜自殺淮南衡山反誅 三年四月有星孛於天紀至織女占曰織女有女變天紀爲地震至四年十月而地動其後陳皇后廢 六年六月有星孛於北方劉向以爲明年淮南王安有邪謀而陳皇后驕恣其後廢后王誅八月長星出於東方長終天三十日去占曰是爲蚩尤旗見則王者征伐四方其後兵誅四夷連數十年 元狩四年四月長星又出西北是時伐胡尤甚 班固曰建元六年蚩尤之旗見其長竟天後遂命將出征略取河南建置朔方其春戾太子生自是之後師行三十年所誅屠夷滅死者不可勝數及巫蠱事起京師流血僵尸數萬太子子父俱敗故太子生長於兵與之終始何獨一嬖臣哉

劉奉世曰漢武紀建元六年

年長星見更元光至元朔元年春戾太子始生嬰璽爲非誤

元封元年五月有星孛於東井又孛於三台其後江充作亂京師紛然此明東井三台爲秦地效也 元封中星孛於河戌占曰南戌爲越門北戌爲胡門其後漢兵擊拔朝鮮以爲樂浪元菟郡朝鮮在海中越之象也居北方胡之域也 太初中星孛於招搖星傳曰客星守招搖蠻夷有亂民死君其後漢兵擊大宛斬其王招搖遠夷之

分也

宣帝地節元年正月有星孛於西方去太白二丈所劉向以爲太白爲大將彗孛加之掃滅之象也明年大將軍

霍光薨後二年家夷滅

元帝初元五年彗星出西北赤黃色長八尺所後數日長丈餘東北指在參分後二歲餘西羌反

成帝建始元年正月有星孛於營室青白色長六七丈廣尺餘劉向谷永以爲後宮懷妊之象彗星加之將有害

懷妊絕嗣者一曰後宮將受害也其後趙皇后立妹爲昭儀害兩皇子上遂無嗣趙后姊妹卒皆伏誅

元延元年七月辛未有星孛於東井踐五諸侯孟康曰五諸侯星名出河戍北率行軒轅太微後日六度有餘晨出東方十

三日月見西方犯次妃長秋斗填彗炎再貫紫宮中大火當後遙天河除於妃后之域南逝度犯大角攝提至天

市而按節徐行服虔曰炎入市中旬而後西去五十六日與蒼龍俱伏谷永對曰上古以來大亂之極所希有也

察其馳騁驟步芒炎或長或短所歷奸犯師古曰奸音干內爲後宮女妾之害外爲諸夏叛逆之禍劉向亦曰三代之亡

攝提易方秦項之滅星孛大角是歲趙昭儀害兩皇子後五年成帝崩昭儀自殺哀帝卽位趙氏皆免官爵徙遼

西哀帝亡嗣平帝卽位王莽用事追廢成帝趙皇后哀帝傳皇后皆自殺外家丁傅皆免官爵徙合浦歸故郡平

帝無嗣莽遂篡國

哀帝建平二年二月彗星出牽牛七十餘日傳曰彗所以除舊布新也牽牛日月五星所從起歷數之元三正之始彗而出之改更之象也其出入者爲其事大也其六月甲子夏賀良等建言當改元易號增漏刻詔書改建平二年爲太初元年號曰陳聖劉太平皇帝漏刻以百二十爲度八月丁巳燕復蠲除之賀良及黨與皆伏誅流放

其後卒有王莽篡國之禍

王莽地皇三年十一月有星孛於張東南行五日不見孛星者惡氣所生爲亂兵或謂之彗星所以除穢而布新也張爲周地星孛於張東南行卽軫翼之分軫翼爲楚是周楚地將有兵亂後一年正月光武起兵春陵破南陽更始爲天子都雒陽西入長安光武興河北復都雒陽居周地除穢布新之象

光武建武十五年正月丁未彗星見

彗長三丈彗尾占日稍西北行入營室犯離宮

東壁之間爲兵起也

三月

乙未至東壁滅見四十九日彗星爲兵入除穢

彗星出之

有兵至十一月定襄都尉陰承反太守隨

誅之盧芳從匈奴入居高柳至十六年十月降上璽綬一曰彗星爲獄事是時大司徒歐陽歙以事繫獄踰歲死

營室天子之常宮離宮妃后之所居彗星入營室犯離宮是除宮室也是時郭皇后已疏至十七年十月漢廢爲

中山太后立陰貴人爲皇后除宮之象

三十年閏月甲午水星在東井二十度生白氣東南指炎長五尺爲彗

東北行至紫宮西藩上五月甲子不見凡見三十一日水常以夏至放於東井閏月在四月尙未當見而見是歲

而進也東井爲水衡水出之爲大水是歲五月及明年郡國大水壞城郭傷禾稼殺人民白氣爲喪有炎作彗

所以除穢紫宮天子之宮彗加其藩除宮之象

荆州星經曰彗在東井國大人死七十日兵將當之

後三年光武帝崩

孝明帝永平三年六月丁卯彗星出天船北長二尺所稍北行至亢南百三十五日去天船爲水彗出爲大水是

歲伊雒水溢到津城門壞伊橋郡七縣三十二皆大水八年六月長星出柳張三十七度犯軒轅刺天船陵太

微氣至上階凡見五十六日去柳周地是歲多雨水郡十四傷稼十八年六月己未彗星出張長三尺轉在郎

將南入太微皆屬張張爲周地東都太微天子廷彗星犯之爲兵喪其八月帝崩

孝章建初元年八月庚寅彗星出天市長二尺所稍行八牽牛三度積四十日稍滅十二月戊寅彗星出雲二度長八九尺稍入紫宮中百六日滅爲大人星後四年明德皇后崩

孝安永初三年十二月彗星起天苑南東北指長六七尺色蒼白天苑爲外軍彗星出其南爲外兵其後任尙馬賢等擊羌降之

孝順永建六年彗星出於斗牽牛滅於虛危虛危爲齊牽牛吳越故海賊浮於會稽山賊捷於濟南 六年三月

丁巳彗星見東方長六七尺色青白西南指營室及墳墓星

鄭勣占曰彗星出而中營室天下亂易政以五色占其吉凶

丁丑彗星在奎一度

長六尺癸未昏見

河圖曰彗星出貫奎車兵悉出

西北歷昂畢甲申在東井遂歷輿鬼柳七星張光炎及三台至

軒轅中滅

古今注曰五月庚寅太白晝見

營室者天子常宮墳墓主死彗星起而在墳墓營室不出五年天下有大

喪後四年孝順帝崩昂爲邊兵又爲趙羌周馬父子後遂爲寇又劉文刼清河相射嵩欲立王蒜爲天子嵩不聽殺嵩王閉門距文官兵捕誅文蒜以惡人所刼廢爲尉氏侯又徙爲犍陽郡鄉侯薨國絕歷東井輿鬼爲秦皆羌所攻鈔炎及三台爲三公是時太尉杜喬及故太尉李固爲梁冀所陷入坐文書死及至注張爲周滅於軒轅中爲後宮其後懿獻后以憂死梁氏被誅是其應也

孝桓建和元年八月乙丑彗星芒長五尺見天市中東南指色黃白九月戊辰不見時梁冀驕亂 延熹四年五月辛酉客星在營室稍順行生芒長五尺所至心一度轉爲彗占爲大喪後四年鄧氏以憂死

孝靈光和元年八月彗星出亢北入天市中長數尺稍長至五六丈赤色經歷十餘宿八十餘日乃消於天苑中彗除天市天帝將徙帝將易都至初平元年獻帝遷都長安 三年冬彗星出狼弧東行至張乃去張爲周地